

دَارُ الْفُنُونِ

خفوق فافو لستبر محمد عبده

مفوق اقتصاديات

ایکی آیمہ بر نشر اولنور

مندرجات

قسم حقوق :

فرانسه ده شورای دولت وصفی راشد
 اصول فقه نصل تدریس ایدلمی ؟ حسین ناجی
 بجائی عدالت ومظاهرت عدلیه مصطفی رشید
 فرانسه ده احوال مدنیه معاملات وسجلات صدیق سامی
 فردی حقوق ، اجتماعی حقوق واستحاله دولت سردن یکدی زاده ادیب

قسم اقتصادی :

بین الملل مناسباته استقراض عبدالحق کمال

استانبول — اوقاف اسلامیہ مطبعہ سی

۱۳۴۴ — ۱۳۴۱

فرانسه شورای دولت

وصفی راشد

۱ — شورای دولت ، مدعی عمومیتك مؤسسه سی ایله برلکده فرانسز دهاسنك بشریتہ اتحادیدر .

باپوتون دورہ سنك اقسام ایلدیکی قونسولك وایمپراطورلق دورہ لرندن قونسولك دورہ سی تشکیلات اساسیه سی اولان ۲۲ فریمیر سنه سکنز 22 frimaire an VIII تشکیلاتنده قوه اجراییه عضولرینك برراستشاری هیئتله مجهز اولسی اصلی اسالاس اوله رق قبول ایلمتدی . بواساسك قبول ایلمسی اداره بی ایکی قسمه آرییوردی . بر قسمی فعال اداره اولویوردی administration active دیگر قسمی استشاری اداره بی تشکیل ایدیوردی administration consultative . فعال اداره بی رأی ومطالعہ لری ایله تنویر ایلک وظیفه سیله احداث ایکیلن استشاری اداره ، اقلام دوا لرندن یابدینی مذاکره ایله فارق اولویوردی . چونکه اقلام مذاکره ومشاوره ایله من . اونلر معاملاتی سلسله مراتب دائره سنده ایفا ایلرلر . فقط انتخابات استشاری اداره بیه منبع ومصدر قیلنمیدیندن « مذاکره ایدن هیئتله assemblée sdélibérantes » اسم له تسعیه ایکیلن مجالس تشریعیه دن آریلور . استشاری اداره اکثریا — وباخصوص ناظرلرلك مجلس مبعوثاندن جیقدقلری زماندنبری — صلاحیتدار اولمایان اداره آدملریخی تنویرکی منافع مشاوره بی تأمین ایلر واختابدن جیقمدینی ایچون مجالس تشریعیه نك دائما ایجاب ایندیردیکی تقسیم ولایخده موجب اولماز . شورای دولتك تاریخچه سی خاتمه ده عرض ایله جکمدن شیمدیلک بوقدرله اکتفا ایله یورم . مؤسسه بوکونکی حالیه بیلندکدن صوکرادرکه ماضی ده کی تکملاتی صفحاتنك عرضی برمعنا افاده وبرمنفعت تأمین ایلیه بیلیر اعتقادنده یم .

۱ — شورای دولت ، رئیس دولتك مجلس استشاره سیدر .

۲ — شورای دولت مواد اداریه ده اك عالی بر محکمه در .

دائرله منقسم اولان شورای دولت (۱) — دائره (section) حالده ؛ (۲) —

برایکی دائره نك برارده اجتماعی (sections réunies) حالده ؛ (۳) — بوتون دائره لرك

برارده طولانی سی یعنی هیئت عمومیه (assemblée générale) حالده ؛ (۴) — محکمه

(قونسانسیو) هیئت علیه سی ant au (assemblée publique du consiel statu
(contentieux) حالده مذا کره ایلر.

۲ — شورای دولتك تدقیق ایلدیکی مسائلك بعضاً دائرده مذا کره سی کافی کایر .
اکتراحوالده ایسه مسئله نك بردائرده مذا کره سی هیئت عمومیه ده یاپیله جق مذا کره نك
استحضاریدر . بو تقدیرده دائره قومیسون رولنی اوینار . مذا کره ایکیلن مسائل متعدد
دوآری علاقه دار ایدرسه علاقه دار دائرلر بر آرده طوبلانیلر بوکا شورای دولتك
دائرلرک برلشمش حالده انعقادی دینور. (sections réunies)

۳ — هر دائره نك باشنده بر رئیس وارددر . رئیس شورای دولتك خدمات عادیه ده
بولونان اعضالری میانندن انتخاب اولونور، و رئیس جمهورك ده قره سی ایله تعیین ایلدیلرلر
(۲۴ مایس ۱۸۷۲ قانونی اونجی ماده اوچنجی فقره) . رئیسك غیوبتنده ریاست، لوحه
ایلك یازیلان یعنی قدملی اعضایه عائددر .

۴ — شورای دولت حال حاضرده بش دائریه منقسمدر بونك دردی اداری دائره در
(sections administratives) . بشجیدی محاکم دائره سیدر (sections du contentieux) .
بوش دائره رؤسائندن باشقه واونلرک فوقده اولق اوزره شورای دولتك بر رئیس اولی
وبر رئیس ثانیه وارددر . شورای دولت هیئت عمومیه سی، شورا رئیس اول ویا ثانیه نك
ریاستی آلتنده طوبلانیلر . برایکی دائره بر آرده طوبلانیلر حالده دخی رئیس اول ویانانی
ریاست ایلر . رئیس ثانی نك ده موجود بولونمادیقی تقدیرده بر آرده طوبلانیلر دوآره ریاست
اودائرلرک رئیسلرندن اك قدملیسه عائددر (۲ اغستوس ۱۸۷۹ قانونی § ۱۲) .

۵ — شورای دولتك رئیس کیملر ؟

ریاست رمان ورده رئیس کوره بعضاً خصوصی بر رئیس ، بعضاً رئیس وکلایه ، بعضاً
خصوصی بر ناظره بعضاً جمهوریت رئیس ثانیه تفویض ایلمشدر . ۲۴ مایس ۱۸۷۲

قانونی (§۴) شورای دولت ریاستی صورت قطعیه ده دولتک مهر رسمیسنک محافظی (۱) اولان عدلیه ناظرینه توجیه ایشدر. عدلیه ناظری شورای دولته اولدینی زمان شورای دولتک هیئت عمومیه سنه ریاست ایلر ؟ دوائر اداریه ده ریاست ایده بیلیر. رایه دائمی اشتراک ایلر. فقط شورای دولت قونتانسیو - عدلی - مسائله حکمی ویرر ایکن عدلیه ناظری اشتراکدن ممنوع طوتیلور. زیرا بوتقدیرده شورای دولت حقیقی بر حکم اصدار ایلوردر. عدلیه ناظری ایسه اداری اختلافاتک مذاکراتنه علاقه دار اولان حکومتک اعضای صفیله مذاکره دن اوزاق طوتیلور (۲۴ مایس ۱۸۷۲ قانونی §§ ۲ و ۱۰) . رئیس اولان عدلیه ناظرینک یانی باشنده رئیس جمهورک ددقره سی ایله تعیین ایدلش بر رئیس ثانی واردر . رئیس ثانی شورای دولتک خدمات عادییه ده بولان اعضایی میاندن انتخاب اولنور رئیس ثانی فعلیاتده شورای دولتک حقیقی رئیسدر . چونکه عدلیه ناظری کرک هیئت عمومیه نیک کرکسه دائره لریک مذاکراتی بک ایدر اوله رق بالذات اداره ایلر . رئیس ثانی عدلیه ناظرینک موجود اولدینی زمانلرده هیئت عمومیه ریاست ایلر . مسائل اختلافیه - قونتانسیو - حقیقه اصدار حکم ایلمک اوزره انقصاد ایله جک اولان هیئت علنییه ده ریاست ایده بیلیر .

.*

۶ - رئیس ثانی شورای دولت دائره لرینک بر قاجنک طوبیلامی حاله ویا شورای دولتک هر هانکی بر دائره سنه ویا محاکم دائره سنک غیر عانی بر جلسه (section du contentieux statuant en audience non publique) حالده اصدار حکم ایلمی حاله ریاست ایده بیلیرمی ؟ مسئله مختلف فیهدر . خیر دییانلر دیورلرکه : « ۱۸۷۲ قانونک ایکنجی ماده سی بوتون دائره لرده رایه اشتراک ایلمک قدرتی یالکز عدلیه ناظرینه تفویض ایشدر . فی الحقیقه مارالد کر ماده فقره اخیریه سی دیورلرکه : « عدلیه ناظری کرک هیئت [۱] پارس حقوق فاکولته سی ماملرندن موسیولوی اولان ، هر یوقایینه سنده کی عدلیه ناظرینک قلم مخصوص مدیری بولونقلری زمان بکا دولتک مهر رسمینی کورسترمک لطفنده بولوندیلر . ایکی دانه مهر وارایدی . حجم ظاهری اعتباریه دها کوچوک اولان بری عدلیه ناظرینک او طه سده دیگری عدلیه ناظرینک او طه سنک یاننده کی سالونده ایدی . مزین بر ماصه اوزرینه وضع ایدلش بر تجارت مکتوبلری قوییه ماکنه سی تصور ایلمک مهرک شکل خارجیسی حقیقه بر فکر ایدینک کافیدر . سالونده بر جامکان ایچنده مهرک زمان ایله تغیر ایلش عباره لرینک مضروب شکلرینک قرالکسیونی واردر .

عمومیه که در که دوائر هر ریاست ایلیدیکی زمان رأیه اشتراك ایلر . « مارالعرض قانونک
 اوتجی ماده سی ایسه محاکم دائره سندن باشقه بالجه دوائر ریاست ایلك حقنی یا لکیز
 عدلیه ناظرینه بخش ایلیور . فی الحقیقه مارالذکر ماده فقره ثالثه سی صولک جمله سی دیورکه :
 « عدلیه ناظری محاکم دائره سندن ماعدا بالجه دوائر ریاست ایلك حقنی حازدر . »
 ۱ اغستوس ۱۸۷۴ قانونی محاکم دائره سی ایچون خصوصی بر رئیسلك احداث ایلرکن
 اشورئیه ، موقعی شورای دولت رئیس نایسنه ترك ایلكی انجق محاکم دائره سنک دیگر
 دائره مرخصلرینک اشتراكیله محکمه هیئت علیه سی حالده اصـدار حکم ایلیدیکی زمان
 ایچون آمر بولونیور . فی الحقیقه ۱ اغـستوس ۱۸۷۴ قانونک برنجی ماده سی دیورکه :
 « محاکم دائره سنه ۲۴ مایس ۱۸۷۲ قانونک اوتجی ماده سنک تعیین ایلیدیکی شکل
 و شرائط دائره سنده انتخاب ایلیله جک اولان دائره رئیسـلرندن بری طرفدن ریاست
 ایلیله جکدر . اشو رئیس شورای دولتک محکمه حالده کی هیئت علیه سنه انجق رئیس
 ناینک ناموجود بولونسی حالده ریاست ایلیله جکدر » [۱] وینه ۲۴ مایس ۱۸۷۲ قانونک
 اوتجی ماده سیله ۱۳ تموز ۱۸۷۹ قانونک دردنجی ماده سی منفرداً حل و فصل امور
 ایلیان دوائرک تشکلاتندن بحث ایدرکن بالکیز دوائر رؤسایله شورای دولت اعضالرندن
 بحث ایلیور و رئیس ثانی بی ذکر اتمیور .

مارالیان ملاحظاته قارش دیلیورکه : متون قانونیه ملاحظات مبسوطه بی معقول
 و مشروع قلیورسده ملاحظات مبسوطه ۲۴ مایس ۱۸۷۲ و ۱ اغستوس ۱۸۷۴ قانونلرینک
 حین مذاکره سنده واقع بیانات متعاقبه ایله مجروحدر . ۱۸۷۲ قانونک مذاکره سنده
 دیوردی که : « ریاست ثانیه رئیس اولان عدلیه ناظرینک مانعی بولندیفی احوالده کندیسنه
 نیابت ایلك اوزره احداث ایداشدر . » قانون ایسه عدلیه ناظرینه هم هیئت عمومیه مک هم دم
 دوائرک ریاستی بخش ایلیوردی .

۱۸۷۴ تاریخده مضبطه محری بهر تمولد دیوردی که : « قونتانسیو (محاکم) دائره سی
 ایچون خصوصی بر رئیس احداث ایلكلکک نتیجه سی [۲] رئیس ثانی بی عدلیه ناظرینک

[۱] ۲۴ مایس ۱۸۷۲ تاریخلی قانونک § ۱۰ ، ایکنجی فقره سی ایلك جمله سی

« محاکم دائره سی آلتی شورای دولت اعضاسی ایله شورای دولت رئیس نایسندن تشکلیلر . »

[۲] اغستوس ۱۸۷۴ تاریخلی قانونک § ۱ که یوقاریده مذکوردر محاکم دائره سنک دوائر

رؤسائندن بری طرفدن ریاست ایلیله جکنی آمردر . بوخصوصده متعاقب تهذیلاتی بالاخره محاکم
 دائره سندن بحث ایلرکن مرض ایلیله جکم .

غیوبتنده شورای دولتک هیئت عمومیه‌سنه ریاست ایلمکه مقصور قیامتی اوله حقدرد؟ انسان بویه اولدیغی ظن ایلمکه میل ایده جکدره. زیر ۲۴ مایس ۱۸۷۲ قانونک ایگنجی ماده‌سی شورای دولتک مختلف دواثرینه ریاست ایلمک حقی - اوده مناسب کوردیکی تقدیرده - آنجق عدلیه ناظرینه تفویض ایلمک کوزوکیور. دیگر طرفدن قانونک ۱۷ نجی ماده‌سی رئیس ثانی‌نی محاکم (قوتانسو) دآرهمسک هیئت علیه‌سنه ریاست ایلمکه، اوده مشارالیمک قوتانسو دآرهمسک رئیس اولمسی اعتباریه، دعوت ایلیور. قومیسون بونیجه‌نی ویا بوطرزه تفسیری قبول ایلمکه رئیس ثانی‌نک وظائفک اهمیت و بالذات شورای دولتک نفوذنی تنقیص ایلمش اولمقدن قورقیور. ۱۸۷۲ قانونی عدلیه ناظرینک ریاستیه بر رئیس ثانی قومینه‌زوتی ۱۹ تموز ۱۸۴۵ قانونندن استعاره الیمشدر. ۱۹ تموز ۱۸۴۵ قانونی ایسه رئیس ثانی‌یه، برآرده طوبالانمش اولان متعدد دواثره عدلیه ناظرینک بالذات ریاست ایلمدیک زمانلرده ریاست ایلمک حقی بخش ایلیوردی. عینی حکم ۲۵ کانون ثانی ۱۸۵۲ ده قره‌سک بشنجی ماده‌سندمه محرر ایدی. بوطرزه حل بزه بوکون مجبوری کوزوکیور.

۲ آغستوس ۱۸۷۹ قانونک § ۱۲ برآرده طوبالانمش دواثرک ریاستنی صراحة رئیس ثانی‌یه تفویض ایلمکه مارالد کر طرز حلی قبول ایتمش اولیور [۱]. فقط رئیس ثانی‌نک محاکم دآرهمسده داخل اولمق اوزره منفرد دواثره ریاست ایلمه بیللمسی صلاحیتنه کلنجه مسئله نه حقوقی نه فعلی بر طرز حله اقتران ایلمه مامشدر. اشیو دواثره رئیس ثانی طرفندن ریاست ایلمسی عادت اولامشدر.

*
*
*

۷ - بدایتلرده شورای دولتک اداری موادی و منازع فیہ مسائلی طرز مذاکره‌سی آرهمسده یعنی محکمه عالی‌له رئیس دولتک مجلس استشاره‌سی اولمسی آرهمسده برفرق بوقاییدی. اداری اختلافانک ایجاب ایتدیردیک طرز حل حقنده رئیس دولته ویریه‌جک مطالعه، اختلافک تعلق ایلمدیک نظارتک معاملاتیله متوغل دواثره طرفندن احضار ایدیلیردی. بو اصولک سقامق درحال ظاهر اولدی و ۱۱ حزیران و ۲۲ تموز ۱۸۰۶ ده قره‌لری شورای دولتک علی‌العمده براداری محکمه طرزنده‌کی تلقینسک ایلمک تمللرینی آندی و اوکوندنبری [۱] ۲ آغستوس ۱۸۷۹ ده قره‌سی § ۱۲ عدلیه ناظری ویا شورای دولت رئیس ثانی‌نی شورای دولتک صلاحیتدار دآرهمس، کرک تنظیمات دآرهمسنی کرکه مناسب کورده‌جکی هرهانکی برداثره ایله جمع یده‌بیلر.

برجوق انقلاباته معروض قالدی. تشکله عائد انقلابلردن زیاده روحنه عائد انقلابك صفحاتی
قیصه حه عرض ایدم. اوصفحات بروجه آتی سواللرك جوابلرنده تجلی ایلر.
اداری منازعه لرده حقیقی بر محکمه کی حرکت ایلان شورای دوات تدقیق ایلدیکی
اختلافات اداریه نك ایجاب ایندیردیکی طرزحل حقنده بیان مطالعه ایلدی اکتفا ایلیه جکدی
یوقسه اختلافاتی حل وفصل ایلیه جک بر حکم می اصدار ایدم جکدی؟ « بیان مطالعه »
ایله اکتفا ایلدی قبول ایلدیکی زمانلرده شورای دولتك مطالعه لرینه قارشو قوه اجراییه نك
حقوق و صلاحیت نه ایدی؟

۲۴ مایس ۱۸۷۲ قانونی شورای دولتك قدرت قضاییه شکیل آخیرینی و معقولی
تفویض ایلدی. طقوزنجی ماده سی موجبجه اداری اختلافاته متعلق روقور recours
(مادون مقام مقرراتی مافوق ر مقام نزدنده اعتراض، استیناف، تمیزایمك) و مختلف
مقامات اداریه نك معاملاتك تجاوز صلاحیت طولایسه سیله فسخی حقنده حاکمانه اصدار
حکم ایلر.

محکمه حانده شکیل ایلان شورای دولتك ایکی عضوی واردر. محاکم دائره سی ایله
مسائل اختلافیه حقنده اتخاذ حکم ایلک اوزره انقاد ایلان محاکم هیئت علیه سی

..

۸ - شورای دولت

- ۱ - مذاکره و مناقشه و بر قرار اتخاذ ایلکله مکلف مأمورین ایله
- ۲ - منحصرأ مذاکره موضوعی احضار ایله، یعنی رابورلری حاضر لامقله مکلف
و انحق استثناء مذاکره اشتراك ایلیه بیلان مأموریندن مرکبدر
برنجی صنف مأمورلر یعنی بر مسئله بی مذاکره و مناقشه ایلان و او مسئله حقنده
بر قرار اتخاذ ایلان مأمورلره شورای دولت اعضا سی membres du conseil d'Etat
conseiller d'Etat دینور. ایکنجی صنف مأمورلره معاون des requêtes maitres
و ملازم auditeurs دینور.

شورای دولت اعضا لری ایکی صنفدر: خدمات عادیده بولونان (en service
ordinaire) اعضا لره خدمات فوق العاده بولونان (en service extraordinaire)
اعضالردر. خدمات عادیده بولونان اعضا شورای دولتك اساسی اعضا لری در خدمات
فوق العاده بولونان اعضا لریسه شورای دولتك خارجنده ایفا ایلدکاری مأموریت طولایسه سیله

شورای دولت هیئت ادخال ایدیل مأمورین عالیه در. خدمات عادی ده اولان اعضا لک نصفه انتخابی بر منشاء قیدینه تابع دکلدر. شورای دولته اعضا انتخاب ایدیه لک یکی کیمسه دن بری مطلقا شورای دولت معاونلرندن انتخاب اولونا جقدر. معاونلر ارمسندر سچیلیمین دیکری اکثریا اسکی مأمورین عالیه دندر شورای دولت اعضا لری هیئت وکلاده انتخاب ایدیلر لر. الاز قرق یاشنده اولمیلدر لر.

۲۴ مایس ۱۸۷۲ قانونی شورای دولت اعضا لریک مجلس ملی طرفندن نصب وعزل ایدیلر یی آمردی. بوقانون موجبجه شورای دولت اعضا لریک هر اوج سنه ده بر نلی دکیسه جکدی. هیاتندن جیقا حق اعضا لر قرعه الله تعیین ایدیه لک و تکرار انتخاب لری جائز اوله جقدی. بو اصول ۱۸۴۸ قانون اساسی سندن استعاره ایدیلوردی. ۱۸۴۸ قانون اساسی موجبجه شورای دولت قوه تشریعیه لک بر قسمی ایفایه مأموردی. قوه تشریعیه یی ایفایه لک بر مجلسک انتخابک رئیس دولته بر اقلیمسی قوه تشریعیه و احرائیه لک بر برینه قاریشد بر لمسی دهادوغریسی برینک دیکری اوزرینه حاکمیتی موجب اوله جقدی. دیکر طرفندن وظیفه تشریعیه ده منحصر آ علم و صلاحیت رول او بنامن افکار عمومیه دخی عاملدر. ایملدی افکار عمومیه یی افاده ایدیه لک شی انتخابدن نشأت ایتلیدر. شورای دولت بر محکمه و بر مجلس استشاره اولدجه بو سیلر ارتق اورتاده قالماز. ۲۵ شباط ۱۸۷۵ قانون اساسی [۴۵] قلمه آلیرکن شورای دولت اعضا لریک تعیین کیفیتک قوه احرائیه بر اقلیمش اولسه قاقلانه حرکت ایدلشد. [۱]

شورای دولتک خدمات عادی سنده بولونان هر اعضا ایلقی بر مأموریتده و دولتدن تخصیصات آلان بر شرکتک هیئت اداره سنده بولونمقدن ممنوعدر. فقط بو قاعده لک یکی استثنای وارددر. امرای عسکریه، دولت مهندس لری و تدریسات عالیه مدرسلری موقع و مأموریتلری غائب ایتیمکسزین شورای دولته مأمور ایدیه یلر لر. ۱۳ تموز ۱۸۷۹ قانونی شورای دولت اعضا لریک و شورای دولتک دیکر مأمورلریک، اوج سنه یی تجاوز ایله میه لک بر مدت، مأموریتده قوللانیلملرینه مساعده ایلور. فقط هر ایکی احوالده ایکی یردن معاش آلفه مساعده ایتیمور.

شورای دولتک، لطف و نرا کتنه منتدار قالدیغ باش کابی بکا، مؤسسه لک موجودی

نابولین شورای دولت اعضا رینی خدمات دولتمد استخدا م ایدردی . اردو مفتش لکمر ندہ ، والی لکمر دہ و مفتش لکمر دہ قوللا نیردی . دیدی .

خدمت فوق العادہ بولنان اعضا ر ايسہ دوائر مديرانيدر . شورای دولتی تجارب اداره لرینک ثمر سندن مستفید ایدر لر . آنجق ملسوب اولدق لری دائرہ دولته متعاق مذا کرانده رایہ اشتراك ایلر لر . خلاصہ شورای دولت علی العسادہ و فوق العادہ خدمت اساس لرینہ استناد ایتدیر لمشدر . علی العادہ خدمتده بولنان اعضا لرله فوق العادہ خدمتده بولنان اعضا لك صلاحیت لری دائماً قطعیتله تفریق ایدلما مشدر . فقط بو کون علی العسادہ خدمتده بولنان اعضا ر شخصاً شورای دولت اعضا لری انجقون انتخاب ایدلمش اعضا لر در . فوق العادہ خدمتده بولنان اعضا ر ايسہ اشغال ایلد ک لری مأموریت طولایسیله انتخاب ایدلمش اعضا لر در که انتخاب لرینی موجب اولان مأموریتی غائب ایدنجه اعضا لر لری ده ساقط اولور .

*
* *

خدمت فوق العادہ لك احداثی شدت لی تنقید لرہ سیبیت ویر مشدر ۱۸۴۸ قانون اساسیسی فوق العادہ خدمتی الفا ایلشدی . فقط لفظاً العا ایدلمش اولان خدمت فوق العادہ بالفعل پایدار قالشدی . جول ۱۸۴۸ آردن سی بر قاج شف دوسرو یسی (دائرہ آمری) شورای دولته ، مذا کرانہ اشتراك ایلک صلاحیتله ادخال ایلشدی . فوق العادہ خدمتک نافع تأثیری بر چوق دفعه مدافعہ ایدلدی . بالخاصہ ۱۸۴۵ تاریخندہ شورای دولتک تشکیلات اساسیہ سنک حین مناقشہ سندہ ناظر موسیودومون طرفندن شدتله مدافعہ ایدل مشدر . مشارالیه « اداره لك تمایلات طبیعیہ ہر مسئلہ یی باشلی باشنہ تدقیق ایلک ، حادثانہ پر نسابلردن فضلہ قیمت ویرمک و کوچ برطر زحل اولان تفقہ اصولہ قولای برطر زحل اولان اداره مصلحت اصولی ترجیح ایتمکدر . شورای دولتک تمایلات طبیعیہ سی ايسہ ہر ایشی بر قاعدہ کلیہ ارجاع ایلک و ایشہ طویلتمش منفعتلردن زیادہ او ایشدن انبعاث ایلد ک مسائلی آرامق ، عملیات ادارہ یی نظریات ادارہ ییہ نقاد ایلکدر . بو ایکی تمایلدہ تہلکدن آزادہ دکدر . صوک حد لرینہ سور ولد ک لری زمان بری قاعدہ و اصولسز بر ادارہ ییہ دیکری فعالیتسز بر ادارہ ییہ منجر اولور لر فقط بر لشمہ لری یکدیگری نی تصحیحہ مؤدی اولور . ایشلہ یں بر ادارہ آدمی دوشون بر ادارہ آدمی ایلہ بر لشدیرر ايسہ کز فعالیت دہا منتظم و دوشونمک دہا مثبت اولور . تجربہ لری عقیم بر لشمہ لری فیضیدر . خدمات فوق العادہ لك احداثہ حاکم اولان

روح در . اداره ایله شورای دولتک ارتباطیدر . حادثات اداریه شورای دولتک تفقی اوزرنده و شورای دولتک تفقنه عملیات اداره اوزرنده بحق بر تأثیر بخش ایلیان مقابل بر عکس العملک آلتیدر . بو شایان تمنی مناسبت مخابره و آنسکت طریقله ناقص برطرزده ممکن اولاییلور . تحریری معلوماتلر دایما و دایما اکیسکدر . شفاهی برقونسولتاسیون ایسه اداره بی دون بر موقعده بولندیرر ، استهداف ایلدیکی وظیفه یا بر طرف ایدلیر یا فنا ایفا اولنور . شورای دولت ایله اداره نك اشتراکی مشترک برمذا کره یه داخل اولمقله تحق ایله بیلدور .

شورای دولتک طرز ترکیبی

۹- ۲۴ مایس ۱۸۷۲ § ۲۲ و ۱۳ تموز ۱۸۷۹ § ۱۵ قانونلری موجبجه شورای دولت خدمت عادیده اولان ۳۲ اعضادن و خدمت فوق العاده ده بولونان ۱۸ اعضادن ۳۰ معاون دیدیکمز . مه تر دو روکت ، دن ۱۲ برنجی صنف و ۲۴ ایکنجی صنف ملازم دیدیکمز (اوتیتور) دن مرکبدر . ۲۹ کانون اول ۱۹۱۹ قانوننک § ۲۵ خدمت عادیده بولنان اعضا عددینی (۳۵) . و خدمت فوق العاده ده بولونان اعضا عددینی (۲۳) . ابلاغ ایلشدر . [۱]

[۱] ۲۴ مایس ۱۸۷۲ قانونی § ۱

« شورای دولت خدمت عادیده بولونان ۲۲ اعضا ایله خدمت فوق العاده ده بولنان ۱۸ اعضادن متشکلدر .

شورای دولت نزدنده (۱) - ۲۴ معاون و (۲) - ۳۰ ملازم وارددر . »

۱۳ تموز ۱۸۷۹ قانونی § ۱

« شورای دولت

۱ - ۳۲ خدمت عادیده بولونان اعضادن

۲ - ۱۸ خدمات فوق العاده ده بولنان اعضادن

۳ - ۳۰ معاوندن

۴ - ۱۲ سی برنجی صنف ۲۴ ی ایکنجی صنف اولق اوزره ۳۶ ملازمدن متشکلدر .

۸ نیسان ۱۹۱۰ قانون مالیسی § ۹۷

« خدمت عادیده بولنان شورای دولت اعضاری عددی (۳۵) . معاونلر عددی (۳۷) . یه

ابلاغ ایلشدر .

معاونلکلردن منحل اولان یرلرک درتده اوچی برنجی صنف ملازملره مختصدر

خدمات فوق العاده ده بولنان اعضارک عددی (۲۱) . چیقارتیلشدر .

اشبو احکامک تطبیقنی تأمین ضمیمه استثناء ملازملق مسابقه امتحانی آجیله بیلور .

۳۰ تشرین ثانی ۱۸۹۵ قانونی خدمات فوق العاده ده بولنان اعضا عددینی اون طوقوزه ابلاغ

۳۰ کانون اول ۱۹۰۶ خدمات فوق العاده ده بولونان اعضا عددینی ۲۰ یه یوقاریده

اعضای دولت مائتہ ناظرلر در شورای دولته داخل اولاییلر مجلسه و رایہ اشتراك ایله بیلیرلر۔
شورای دولتك اسکی اعضا و معاونلری فخری اعضا و معاون اولیق اوزره شورای دولته
اعضا و معاونلرینک ایستہ سندہ مقدددرلر۔

۲۴ مایس ۱۸۷۲ قانونک ایکنجی ماده سی موجبجه ناظرلر شورای دولتك هیئت
عمومیہ سنک مذاکره سنه اشتراك ایله بیلیرلر۔ شورای دولتك هیئت عمومیہ سندہ عدلیہ ناظری رایہ
اشتراك ایله بیلدیکی حالده رفقای اولان ناظرلر کندی نظارتلرینه عائد امورک مذاکره سی
مستقلا اولیق اوزره رایہ اشتراك ایده منزل۔ عدلیہ ناظرینک بیله اشتراك ایده مدیکی محاکم
دائرة سنک مذاکره سنه ناظرلرک هیچ بری اشتراك ایده منزل ناظرلر انجق کندی
نظارتلرینه عائد مسائل حقنده رایہ اشتراك ایده بیلیرلر۔ دیمک که ۱۳ تموز ۱۸۷۹ قانونک
شورای دولتك هیئتہ داخل اولیق اوزره بالکمز شورای دولته اعضالری، معاونلری
و اوتیورلری (ملازم) ذکر ایله سنه رغماً ناظرلر در شورای دولته هیئتندن معدوددر [۱]
ناظرلرک، شورای دولتك هیئت عمومیہ سنک انقلاندن غیري احوالده شورای دولته
حق دخول و اشتراکری وارمیدر؟ ۱۸۷۲ و ۱۸۷۹ قانونلری بو خصوصده ساکتدر۔
قط عملیایده شورای دولته هر ناظره کندی نظارتنه متعلق معاملات ایله متوغل دائرة نک
قبوسی آچمیدر و هر ناظره مذاکره سنه اشتراك ایده بیله جکی دائرة ده رای و برمک حق
بخش ایشمیدر۔ فی الحقیقه ۲۴ مایس ۱۸۷۲ قانونک ایکنجی و اون دردنجی ماده لری
بوترز تفسیر و تعاملی مشروع قلمقدمدر۔ اشبو ماده لرک برنجیسنه نظراً ناظرلر نظارتلرینه

مذکور ۸ نیشان ۱۹۱۰ تاریخلی مالیه قانونی (۲۱) ۵، ۲۹ کانون اول ۱۹۱۹ قانونی ایسه
(۲۳)۔ چیقارتمیدر۔

متر دو روکت دینیلن معاونلرک عددی ۱۸۷۹ قانونی ایله ۳۰ اولارق تعیین ایدلمشکن
۱۳ نیشان ۱۹۰۰ قانونی § ۲۴ فقره اولیسی عددلری (۳۲) به ابلاغ ایشمیدر۔ ۸ نیشان ۱۹۱۰
تاریخلی مالیه قانونی (§ ۹۷) اوتوزیدی به چیقارتمیدر۔
۱۳ نیشان ۱۹۰۰ قانونی (§ ۲۴) ملازم عددی (۱۸) ی برنجی صنف اولیق اوزره قره
ابلاغ ایشمیدر۔

[۱] ۲۴ مایس ۱۸۷۲ قانونی § ۲

ناظرلر شورای دولتك هیئت عمومیہ سنده اعضا موقعی حازدرلر و مذاکره به اشتراك ایدرلر۔
هریری منازعه لی (قوتناسیو) مسائلدن غیري امورده نظارتلرینه تعلق ایدن خصوصاً سندہ رایہ اشتراك
حق حازدرلر۔ مهر رسمی محافظی (عدلیہ ناظری) دوائر و هیئت عمومیہ به هر ریاست ایله یکی زمانه
رایہ اشتراك ایدر۔

تعلق ایدن منازع فیہ مواددن غیري مسائلده رأی ویرمک حقیقی حائزدرلر. «قونتانسیودن غیري موادده، قیدی ناظرلرک حق دخول و حق رأیلرینک هیئت عمومییه مقصور قالمیه جفته اشارتدر. چونکه دائره لرک هیئت مجمرعه سنک بر ارده انعقادی دیمک اولان هیئت عمومییه قطعياً قونتانسیو ایله متوغل اولماز قونتانسیو مسائل ایله مشغول اولمق عمامه دائره سی (قونتانسیو دائره سی) ایله قونتانسیو مسائلده اصدار حکم ایله بن هیئت علنییه عائددر. هیئت علنییه معلوم اولدینی اوزره قونتانسیو هیئته دیگر دوائر مرخصلرینک اشتراکندن متولد هیئته اطلاق اولنور. دیگر طرفدن اون دردنچی ماده ناظرلره، دیله دکلری کیمسه لری هیئت عمومییه نک ویا دوائرک مذاکره لینه، رأیه اشتراک ایتدیرمه مک شرطیله، داخل اتمک حقیقی بخش ایدیور. ناظرلرک، بوجتلرینی نفسلری حقنده استعماله هیچ بر مانع یوقدر. ایکنجی ماده کندیلرینه، نظارتلرینه متعلق خصوصانده رأیه اشتراک ایلمک حق ویرمسندن رأیه ده اشتراک ایدرلر. [۱]

*
* *

۱۰-۱۸۷۲ قانوننک § ۱۴ موجبجه اختصاصلری طولایسیله تذکرا ایدیان مسئله یی تنویر ایدیه بيله جکارک رأیه اشتراک ایله مه ملری شرطیله شورانک هیئت عمومییه ویا دوائر جلیسه لینه ادخاللری صلاحیتی یا لکنز حکومته مودوع بر صلاحیت دکلدر. عینی صلاحیت مستقر بر تعامل و اجتهاد طولایسیله شورای دولنده وادرد. کرک حکومتک رسولی و کرکه شورای دولته دعوتلیسی بولونان ذاته اشبو رسالت و دعوت رأیه اشتراک ایچون، عرض ایدلدیکی وجهله هیچ برحق تفویض ایتدیکی کی بعثت و دعوت طولایسیله واقع اشتراک ده مستقر و دائمی اولماز. انجق معین بر مسئله ایچون کوندریله بیلیر ویا دعوت اولونور. کوندرلمش ویا دعوت ایدلمش ذاتک وجودینک لازم عدا ایدلدیکی هر زمان دعوت ویا ارسال تجدید اولونمالیدر. دائمی بر بعثت ویا دعوت ایله قانونک تعیین ایدلدیکی عدد اعضانک تجاوز ایدلمسته مساعده اولونه ماز. بوسورتله کوندریلن مرخص هیئت عمومییه اشتراک ایلیه جک ایسه بر ده قره لازمدر دوائرک مساعیسه اشتراک ایده جکسه ناظرلرک امری کافیدر. حکومت بو صلاحیتی بک جوق و صیق استعمال ایدر.

[۱] ۲۴ مایس ۱۸۷۹ قانونی § ۱۴

۱۰- حکومت معلومات خصوصیه لری و اختصاصلری مذاکره یی تنویر ایدیه بيله جک اولان کیمسه لری استشاری بر وضعیتده اولقی اوزره هیئت عمومییه نک ویا دوائرک جلیسه لینه دعوت ایده بیلیر.

شورای دولتک مرهانی بردارنده سنک مذا کره سنه اختصاصی طولا یسیله کوندریله جک ویا دعوت ایدریله جک ذانک شورانک باشقه بردارنده اعضاسندن اولسی ده ممکندر . فقط اونلرده رایه اشتراک ایله منزلر .

.*.*

۱۱ — ۱۳ تموز ۱۸۷۹ قانونی موجبجه شورای دولت خدمت عادیده و فوق العاده خدمتده بولنان اعضالره معاون و ملازملردن ترکیب ایلر .
۱۸۴۸ قانونی ایله ۲۴ مایس ۱۸۷۲ قانونی شورای دولتی یالکز خدمات عادیده و خدمت فوق العاده بولنان اعضالردن ترکیب ایدیوردی . معاونلریله ملازملری شورای دولتک نزدینه مأمور ایدیوردی هیئته ادخال ایلوردی . (۹ نومرولو بند برنجی نوطه باتکیز !) . بوقریق ۱۸۴۸ و ۱۸۷۲ قانونلرینک شورای دولت اعضالری تابع طوتدینی طرز انتخاب طولا یسیله معقولدی . ۱۸۷۹ قانوننه کوره سبب لزومی قالمیوردی بونک ایچوندرکه ۱۳ تموز ۱۸۷۹ قانونی بوقریق الیایلدی و معاونلر ایله اوتیتورلری ده شورای دولت هیئته ادخال ایتدی .

.*.*

۱۲ — اقلامک معاملاتنی تدویر و اداره ایلیان باش کاتب معاون موقع و پایه سی حائزدر . عددری اوتوز سکیز اولان معاونلردن بریدر . ایمدی باش کاتب ده معاونلر کبی شورای دولتی تشکیل ایدن هیئته داخلدر . باش کاتب معاون وظائفنی ایضا ایلمز . بونکله برابر شورای دولت اعضالردن ، معاونلردن و اوتیتورلردن مرکب بولنمئسندن باش کاتبک بو اوچ صنفدن برینه ادخالی لازم ایدی . [۱] حال حاضرده کباش کاتب معاونلر میاسندن انتخاب اولنمشدر . رؤسا بعد المذاکره ایکی نامزد اوزرنده قرار قیلار اونلردن بری تعیین ایدیلور .

[۱] ۲۴ مایس ۱۸۷۲ قانونی § ۱ اوچنجی فقره .

شورای دولتک اقلامک باشنه برباش کاتب (کاتب عمومی) قونمشدر . باش کاتب معاون موقع و پایه سی حائزدر .

محاکم دائره سنه خصوصی برکاتب ربط ایدلشدر .

۲۴ مایس ۱۸۷۲ قانونی § ۵ فقره ۲

معاونلر ، باش کاتب و قرتائیسو کاتب خصوصی رئیس جمهورک ده قمره سیله تعیین ایدیلورلر شخصی برده قمره ایله عزل ایدریله ییلورلر .

۱۳ - شورای دولت اعضاى تابلو صرهنه كوره اخذ موقع ايلرلر . تابلو اولاً رئيس ثانى نائباً دوائر رؤساي ثالثاً خدمات عاديه ده بولنان اعضاى دولت رابعاً خدمات فوق العاده ده بولنان اعضاى دولت خامساً معاونان دولت سادساً برنجى صنف ملازمان دولت سابعاً ايكنجى صنف ملازمان دولت تركب ايلر .

شورای دولت اعضاى دولت هر برى ، رتبه لرينه مخصوص خصوصى خانه ده ، تعيين لرى تاريخى (قدم) صرهنه قيد اولورلر (۲ اغستوس ۱۸۷۹ قانونى § ۲۶) . شورای دولت اعضاى دولت تصديقده شورای دولت داخل اولمان اولكى موقع لرى نظر دفته آلتماز زيرا هيچ راعضا شورای دولت خارجده ايضا ايده بيله چكى وظيفه اعتباريله شورای دولت تعيين اولتماز بلكه شخص لرينه عائد اسبايدن طولايى تعيين اولورلر . بالفرض بر والى بر قائم مقام دن صوكر ا بر فريق بر بيكباشيدن هلم جراً صوكر ا تعيين ايدلمش ايسه او والى او قائم مقام دن او فريق او بيكباشيدن صوكر ا اخذ موقع ايلر .

اگر شورای دولت اعضاى دولت بر ذات منسوب اولدينى دائره دن غيرى بر دائره دن مذاكره سنه دعوت ايديليرسه مدعو بولندينى دائره ده دخى قدمنه كوره يعنى تابلو موجبنه اخذ موقع ايلر .

عيفى تاريخده تعيين ايدلمش اعضاى اسباب مسروده دن طولايى تعيين امرنامه سنه كى ترتيبه تابع طوتيلورلر . يوقسه شورای دولت تعيين لردن مقدمكى وضعت اداريه لرينه كوره تصديق ايدلملر . بويله جه اكثر يا خدمات فوق العاده ده بولنان اعضاى دولت بر آميرال ويا بر جنرال ك ، كنديلريله بر كونده تعيين ايدلمش ده ا كوچك رتبه لى ذوات دن صوكر ا اخذ موقع

معاونانك ، باش كاتبك وقونستانىيو كاتبك خصوصى سنك تعيينى ايچون رئيس ثانى ودوائر رؤساي نامزد ارائه سنه دعوت ايديله چكردر .

عزل ده قره لرى رؤساىك رايلى آلندقدن صوكر ا اصدار ايديله چكردر .

۲ اغستوس ۱۸۷۹ قانونى § ۶ برنجى فقره .

باش كاتبك اقلامك معاملاتى تدوير ايلر وشورا هيئت عموميه سنه مقام كاتباى اشغال ايلر . شورای دولت طلبه حق لرى اولان كيمسه لره ويرلمش مطامعه نامه لك ، ده قره لك وتحريرات لك صورت مصدق لرينى امضالار وتصديق ايلر . قونستانىيو مسائلده اصدار ايدلمش مقررات بوندن مستثنا در . باش كاتبك ناموجود بولندينى ويا معذرتى اولدينى زمانلر عدليه ناظرى طرفندن تعيين ايديلن بر معاون كننديسنه وكالت ايلر .

ایده کلرینه تصادف اولنور سببی ده هر برنی تعیین ایدن شخصی ده قره لرك تنظيمنده اکثریا
رتبه درجه لرینك نظر دفته آلمقده اهامال ایدلمسندندر .

*
**

۱۴ - ناظرلر شورای دولته داخل اولمقله برابر تابلویه داخل دکلدرلر . سببی ده ناظرلر
حکومت اعضاسندن اولملری اعتباریه شورای دولته داخل بولملرنندندر . حقارنده تشریفات
مسئله سی قواعد خصوصیه و تعامل ایله تنظیم ایدیلیر .

*
**

۱۵ - علی العاده و فوق العاده خدماتده بولان اعضالر ایله معاونلر ترك وظیفه
ایله دکلری زمان فخری اعضا ویا معاون تعیین ایدیلورلر . فخری اعضا و معاونلر شورای
دولت هیئته داخل دکلدرلر . زیرا فخریلک اونى حائز اولان کیمسه یه هیچ بر وظیفه
بخش ایلمز . یالکمز هیئت ایله و قتیله او هیئته داخل بولنش کیمسلر آره سنده خاطره وی
بر اتصال پیدا ایلر .

لاحقه

ملی مطبعه طرفندن نشر ایدیلان شورای دولت سالنامه سی تابلونك عیندر . برنجی
صحیفه سیام چرجیوه ایچنده میدان حربده وطن ایچون دوشمش شورای دولت هیئته منسوب
ذوات ایله [بری شورای دولت اعضاسندن بشی ملازملردن اولمق اوزره آلتی کیشی] شورای
دولت نزدنده کی محامیلر و شورای دولت مستخدمینك اسملرینی حاویدر .

ایکنجی صحیفه نك باشنده واورته سنده « شورای دولت ریئسی » عبارده سی یازیلیدر .
عبارته نك آلتنده کوچک بر چیزکی و چیزکینك آلتنده دولتك مهرینك محافظی وعدلیه
ناظری اولان ذاتک اسمی یازیلیدر . اعیاندن ویا مبعوثاندن هانکیسنه مذوب اولدینی ده
مقیددر . عدلیه ناظرینك اسمندن سوکرا ایلك صحیفه یه برچرجیوه قونمشدر که عیناً اعاده
ایلیورم .

ایکنجی صحیفه عینی ترتیبده بر چرچیوه داخلنده علی العاده خدماتده بولنان شورای دولت اعضاالریک اسملری حایدر. منشألرینه کوز آتیهلحق اولور ایسه ایچلرنده دوائر مدیرانی، دوائر مدیر معاونلری، برنجی صنف والی، قائم مقام (صویره فیه)، ریاست جمهور کتابت دائره سی آمری، قام مخصوص مدیراننه تصادف اولنور.

اوچنجی صحیفه خدمات فوق العاده بولنان اعضاالریک اسمنی حایدر. بوراده چرچیوه نیک ترتیبی دیکشیر. برنجی خانه اسم ولهژیون دونورده کی رتبه قید ایدیلیر ایکنجی خانه مأموریتی یازیلیر طار اولان اوچنجی خانه شورای دولته منسوب اولدینی دائره قید ایدیلیر دردنجی خانه آدرسلی یازلمشدر.

معارفدن تدریسات ابتدایه مدیری، خارجیه دن امور سیاسییه و تجاریه مدیری، عدلیه دن امور حقوقیه مدیری ایله حبسخانه لر مدیری، مستملکات نظارتندن امور سیاسییه مدیری، تجارت و صنایع نظارتندن سجل، انکشاف تجاری و قره دی مدیری، پوسته تلفراف و تلفون اداره سندن سجل و محاسبات مدیری، داخلیه دن ولایات و نواحی اداره سی مدیری، زراعتدن خدمات صحیه و قیه و تشکیل حیل مدیری، نافع دن معادن مدیری ایله شمندوفرلر مدیری و قوای میاهیه و الکتریک نه نژیسی تقسیمی مدیری، حربیه دن ارکان حربیه عمومیه برنجی صوفیه فی (فریق) ایله مستشارلق وظیفه سنک افاده سی اولان حربیه کاتب عمومیه سی، بحریه دن اداره بحریه برنجی صنف مفتشی بحریه هیئت تفتیشیه رئیس، مالیه دن بلا واسطه تکالیف مدیر عمومیه سی ایله آنروژیسترومان املاک امیریه و پول مدیر عمومیه سی، حفظ الصحه مساعی و بصیرت اجتماعیه نظارتندن مساعی مدیری ایله حیه عمومیه و تعاون اجتماعیه مدیری حال حاضرده شورای دولته فوق العاده خدماتده بولنان اعضاالرننددر.

بشنجی و آلتنجی صحیفه لر معاونلره عاندر. برنجی خانه اسملری ولهژیون دونورده کی رتبه لری محرر در، ایکنجی خانه ده تاریخ تولدلری، اوچنجی خانه ده خدمات دولته کیردکاری تاریخ، دردنجی خانه شورای دولته دخوللرندن مقدمکی و یا شورای دولته دخوللری بدایتده کی مأموریتلری، ایکی به آیرلمش اولان بشنجی خانه نیک برنجی کوزینه اکر شورای دولته ایکنجی صنف ملازم اوله رق کیره مشلر سه برنجی صنفه ارتقاری تاریخی ایکنجی کوزینه ایسه معاون تعیین ایدلدکاری تاریخ قید اولنور.

بدنجی صحیفه ملازمه مائدد. ایکی به بولنشدر بر طرفی برنجی صنف ملازمه دیگر طرفی ایکنجی صنف ملازمه مخصوصدر .

برنجی صنف ملازمه مخصوص قسمند برنجی خانه اسم وله ژبون دونورده کی رتبه، ایکنجی خانه به تاریخ تولد، ایکی به بولنش اولان اوچنجی خانه کوزینه برنجی کوزینه ایکنجی صنف ملازمه اوله ورق تعینی تاریخی ایکنجی کوزینه برنجی صنف ارتقا تاریخی قیدایدیلیر. ایکنجی صنف ملازمه مخصوص قسمند برنجی خانه اسم وله ژبون دونورده کی رتبه ایکنجی خانه به تاریخ تولد اوچنجی خانه به تاریخ نصب قید اولنور .

شورای دولته خدمات فوق العاده وعلی العاده بولان اعضای ايله معاون و ملازم عددلری قانوناً معیندر . اگر منحل وار ایسه منحلر هانکی قسمده ایسه او قسمک جدولک نهایتند منحل عددی قدر نون حرفی ویاننه اوچ نقطه یازیلیر .

سکزنجی وطقوزنجی صحیفه لر شورای دولت هیئتک فخری اعضا لینه مختصدر . بو صحیفه چرچیوه لی دکلدر . شورای دولته رئیس فخریسی موسیو هه برار دووینوودر . انستیتو و اعضا سندن، یاننه اقامتگاه ای ادره سی یازلمشدر . شورای دولته اوچ فخری دائره رئیس و ارادر . صوکر ا فخری اعضا لر و فخری معاون لر قید ایدلمشدر . اوچنجی صحیفه مبعوث انتخاب ایدلمش معاون و اوتیتور لرک اسملری حاویدر بو ذواتک - که اوچ کشیدر - ۲۱ تشرین اول ۱۹۱۹ قانونی موجبجه تقاعد حق لری محفوظدر . ایوم سوسیالیست فرقه سی بولان لئون بلوم مبعوث انتخاب ایدلمش معاون لر دندر .

بوندن صوکر ا کرک الساس لورنده کرکسه آلمانیا نکه اراضی مشغوله سنده قومیسر لک ویا نظار تکرده مدیریت قبول ایلش اولملری طولایسیله شورای دولت قادروسی خارجنده بر ا قیلش ذواتک اسملری یازیلیدر .

تابلونک عینی اولان سالنامه نکه متعاقب صحیفه لری شورای دولته قونتانسیو حالی ايله دوائر اقامی حالی الخ ناطقدر بالاخره صره سی کلدجه عرض ایلجه جگم .

۱۶- شورای دولتی ترکیب ایدن اعضا لردن هربری شورای دولتی تشکیل ایدن دائره لره تقسیم اولنور . و هربری معین بر دائره به مربوط قالیر و او دائره نکه مساعیسنه اشتراک ایلر . هر اوچ سنده بر اعضا و معاون لرک دوائر بیتنده یکی بر تقسیمه مباشرت ایدیلیر .

اشبو تقسیم اعضاء حقندہ رئیس جمهورك امرنامہ سی ایله ممکن اولور. معاونلر حقندہ رئیس مانی و دوائر رؤسائك تكلیفی اوزرینه عدلیہ ناظرینك امرنامہ سی ایله یاییلور. تجدید و توزیع زمانندن غیرى زمانده براعضائك تبدیلی اعضائك طلبی اوزرینه رئیس مانیك رأی التدقن صوکر رئیس جمهورك اصدار ایلیه جکی امر ایله ممکن اولور. (۱)

۱

خدمات عادیہ بولنامه شورای دولت اعضای

۱۷ — شورای دولت اعضایك خدمات عادیہ و خدمات فوق العادیہ تقسیملری پك اسکیدر. ایلك دفعه اوله رق ۷ فروکتیتور سنه سکنز 7 fructidor an VIII اره ته سی ایله وجوده کتیرلمشدر. ۱۱ حزیران ۱۸۰۶ ده قرسیله ابقا و براساس اوله رق تثبیت ایدلمشدر. اوزماندنبری مختلف عنوانلر آلتنده اوله رق پایدار اولمقدن خالی قالمشدر. خدمات عادیہ بولنان اعضاءر حکومت طرفندن شخصلری اعتباریله تعیین اولنورلر. عدلری و طرز تعیینلری برچوق دفعه دیکشمشدر.

۱۹ تموز ۱۸۴۵ قانونی خدمات عادیہ بولنان شورای دولت اعضایك عددینی ۳۰ اولق اوزره تثبیت ایلشدی. ۳ مارت ۱۸۴۹ قانونی عدلرینی قرقه، ۱۸۵۲ قانونی اللی به ابلاغ ایتشدی. ۲۴ مایس ۱۸۷۲ قانونندن اعتباراً عدلری حقنده واقع تبدلات حقنده بند ۹ نوط (۱). مراجعت ایدیکنز!

..

۱۸ — خدمات عادیہ بولنان شورای دولت اعضای دوائر دولتك هر شعبه سی اوزرنده عمومی بر نظارت ایضا ایللرندن و حکومت هر مسئله حقنده مدلل مطالعه لر درمیان ایلكه

[۱] ۱۳ تموز ۱۸۷۹ قانونی § ۵

هر اوج سنه ده شورای دولت اعضا و معاونلرینك دوائر بیننده یکی بر تقسیمنه مباشرت ایدیله ییلور. اشبو توزیع اعضاء حقنده رئیس جمهورك ده قره سیله یاییلور. معاونلر حقنده دوائر رؤسای ایله رئیس مانیك تكلیفی اوزرینه عدلیہ ناظرینك آرته سی ایله اجرا ایدیله ییلور. توزیع و تقسیم ایچون تعیین ایدیله ییلور زمان خارجنده شورای دولت اعضای انجق طلبلری اوزرینه رئیس مانیك مطالعه سی آلتدقن صوکر رئیس جمهورك ده قره سیله تبدیل ایدیله ییلورلر. هر سنه ۱۵ تشرین اولده عدلیہ ناظری رؤسا و رئیس مانیك تكلیفی اوزرینه ملازم لرك دوائر تعیینی آرته ایدر.

دعوت ایدیه بیله جکارندن تعیینلری خصوصی بر تک ناظرک آنه بر اقلیمامشدر . بونک ایچون قانون، تعیینلرینک هیئت وکلاده مذاکره و رئیس جمهور طرفندن امضا ایدلمسنى آمر بولونیور . بناء علیه شورای دولت اعضالرینک تعیینلری ده قرملرنده شو جمله بولونیور :
« رئیس جمهور ، شورای دولته رئیس اولان عدلیه ناظرینک راپوری اوزرینه و هیئت وکلاده مذاکره ایدلدکن صوکره ... الخ فلانی شورای دولت خدمات طایفه اعضالغنه تعیین ایلر . »

..

۱۹-۱۹۱۱ سنه سندن اول شورای دولته اعضا اوله بیلیمک ایچون اوتوز یاشی ایلک کافی کلیرکن ۱۹۱۱ سنه سی مالیه قانونک ۹۰ نجی ماده سی شورای دولته اعضا اوله جقلرک قرق یاشنده اولمسنى امر ایتدی . شورای دولته اعضا اولق ایچون قرق یاشنده اولمقدن باشقه هیچ برقید و شرط یوقدر . ناپولئون اداره سی تعقیب ایدن اعاده سلطنت دورمه سنده اعضالرک بوجه آتی اوصافدن برینی حائز اریلملری ویا حائز اولمش بولنملری طلب ایدیلیردی :
شورای دولت معاونلرندن ؛ بهر دو فرانس (۱۸۱۵ دن ۱۸۴۸ تاریخه قدر مجلس اعیان اعضالرینه ویریلن اسمدر) ؛ مبعوث ؛ بویوک ویا اورته ایچی ؛ دارالقنون امینی ؛ باش یسقبوس ویا یسقبوسی ؛ محکمه تمیز اعضایی ؛ دیوان محاسبات رئیس اولی ، رئیس ویا مدعی عمومی ؛ استیناف رئیس اولی ویا مدعی عمومی ؛ قوای بریه و بحریه جنراللرندن ؛ مدیر عمومی ؛ والی .

فقط بالآخره حکومتک حق و طرز انتخابی تحدید ایلک کلکاک طوغری اولمدینی ، حکومت، حیات اجتماعیته هر صنف و وضعیتدن بویله مهم وظیفه یی ایفایه صالح کیمسه لری انتخاب ایدیه بیلیمک سربستیسنک بخش ایدنسى ، وقابوی یالکز بر قاج اداری مسلک آچوبده دیگرلرینه قیامقلقک تجویز ایدیه میه چکی قناعتی حاصل اولدی .

..

۲۰- قانون حکومتک حق انتخابیه یاش خصوصندن غیر بر تقیید وقاعده وضع ایتماش اولسنه رغماً حکومت و اداره ضرورتی بر طاقم عننه و اصوللر تأسیس ایتمشدر . ۱۸۳۰ سنه سندنبری شورای دولته اعضالرینک ایدیه جکارک معاونلر ، قوای بریه و بحریه جنراللرندن ، مدیر عمومیلرندن ، اداره مرکزیه مدیرلرندن ، والیردن ، معادن مفتش عمومی و باش

۶۹۰
مهندسلرندن معارف مفتش لرندن مجالس تشریعیه ك اسكى اعضا لرندن انتخاب ایدلملری نایب
ومستقر بر تعامل اولمشدور. شورای دولت اعضا لریك اول امرده اونه دئیری شورای
دولتك معایسه اشتراك طولایسیله مؤسسه ك نمره دار فعالیتیه لایه اولان حقوق و اداره
فلرنده خصوصی برملكه احراز ایلش اولان اسكى معاونلردن نایب شورای دولت مؤسسه سی
ایچنده تیغز بر هوا جریانی وظیفه سی ایفا ایلده جك اولان ایشده یتشمش اسكى بویوك مأمورلرك
واسكى جنراللردن انتخاب اولنمی عادت اولمشدور. اسكى بویوك مأمورلرك واسكى جنراللرك
مختلف خدمات دولته خاص تجارب، احتیاجات و تعاملی تمثیل ایدم جك طرزده اداره ك
مختلف شعباتندن و مختلف اردو اقسامندن انتخاب اولورلر. [۱]

۲۱- شورای دولت اعضائی باجمله مأمورین واداری حاکم کی قابل عزند. فقط قانون عزللرینک بعض تأمینات ایله محاط اولمسی ایسته مشدر. لایعزلک اوتلرک حق دکلدر. فقط شورای دولت اعضائینه مطلق براسقلال بخش ایلک ده حکومت واداره نلک منافی اقتضاسند. شورای دولت اعضاسندن برینک عزلی کی بر تدبیرک ناظرک قاپریس ویا

[۱] ۱ — عددلری

۸. مہمان ۱۹۱۰ قانونی § ۹۷ فقرہ اولیسی (بند ۹ نوط ۱)

۲ — منحل شورای دولت اعضاقلریك معاونه تخصیص ایدیان مقداری

١٣ نيسان ١٩٠٠ قانوني § ٢٤ فقره رابعه صوك جمله سى

« شورای دولت اعضاقلرندن منحل اولان مقدارک نصبی معاونلره مخصوصدر . »

۳ - شورای دولت اعضاگنه تعیینده نظر دفته آلمنی مقتضی یاش شرطی

۱۳ تموز ۱۹۱۱ § ۹۰ فقرة ثانیه سی برنمی جمله

« ۴۰ یاشنی اکال اتهمش کیمسه شورای دولت اعضالغه تعیین ایدیله من . »

۱۳ تموز ۱۹۱۱ § ۹۰ فقرة ثالثه سی

« ٢٤ مایس ١٨٧٢ قانونك آلتجي ماده سنك اشيو قانونه مغار احكامي مفسوخدر . »

۲ مایس ۱۸۷۲ قانونی § ۶ ایلک جها

« ۳۰ یاشنی اکال ایتمهش کیسه شورای دولت اعضاقلنه تعین ایدله من . »

۴ — شورای دولت اعضاءینک تعیینی

۲۵ شباط ۱۸۷۵ قانون اساسی سنک دردمچی ماده سی

اشبو قانونك نشریدن اعتباراً واقع اولاجق منحلانہ رئیس جمهور مجلس وکلادہ مذاکرہ دن
صوکر خدمت عادیہدہ بولنہ جق اعضاری تعیین ایدہ حکدر .

بوصورتہ تعیین اید بن اعضاء مجلس وکلادہ مذاکرہ دن صوکر اصدار ایلہ جاک دم قرہ ایلہ عزل ایدلہ سلورلر .

کئی معاملاته اضافه ایدله ماملیدر. بوجهته قانون شورای دولت اعضالرینک طرز عزل لرینی احتیاط و تفکری داعی بعض اصول ایله محاط قلمشدر. قانون مجلس وکلانک قراری اوزرینه رئیس جمهور طرفدن شخصی برده قره اصدارینی شرط قلمشدر شورای دولت اعضاسندن برینک عزل ایدلمش اولسی شمدی به قدر واقع اولمامشدر. هر نه قدر بعض زمانلرده ۱۸۱۵، ۱۸۳۰، ۱۸۴۸، ۱۸۵۱ و ۱۸۷۰ حکومتلرینک دیشملری کی واقع تحولات ویا ۲۴ مایس ۱۸۷۲ و ۱۳ تموز ۱۸۷۹ ده اولدینی کی شورای دولتک تشکله واقع تبدلات طولایسیله شورای دولت اعضالردن چوغی رلرینی یکی اعضاله ترک ایله چکیلدیله رسده بو چکیلشدر دیسیلینه (جرم طولایسیله اولمایوب وظیفه ده ارتکاب ایدلمش قصور دن ناشی جزائی) بر ماهیته اولیوب ایجابات انقلابه اتباع ضمنتده واقع اولمشدر. بناء علیه کرک هیئتک و کرکسه اعضالرینک استقلاله متجاوز بر تدبیر کی تلقی ایدله منزله.

* *

۲۲ — شورای دولت اعضالری تقاعدلک لرینی طاب ایدله بیلر لر. بر مأمورک تقاعده سوقنده او مأمورک استقلال و حیثی ایچون ریجیده آور بر شی یوقدر. شورای دولت اعضالری ایچون تحدید سی قبول ایتماش اولان قانون حکومتی، سن و معلولیتک، وظیفه سی ایفایه ماده امکان ویر میان بر شورای دولت اعضا سی مأموریتده ایفا ایتدیر مکه مجبور قیله ماز. شورای دولت اعضاسندن برینک عزل ایدلمک سزین و تقاعده سوق اولونمک سزین ایشدن آل چکدیر یله بیل سی ممکن اولور می ؟

۲۴ مایس ۱۸۷۲ قانونی (۳ §) سکزنجی فقره سی دیورکه :

« شورای دولت اعضالرینه رئیس جمهورک ده قره سیله ، ایکی آبی تجاوز ایلیه میه جک بر مدت ایچون ایشدن آل چکدیر لمش اعضا یه اک قدمی معاون وکالت ایلر . شورای دولت اعضاسنه ایشدن آل چکدیر تن قانون ایله مجلس ملی رأساً مسئله یه وضع ید ایلر ومدتک ختامنده ایشدن آل چکدیر لمش اعضایی یا عزل ایلر یا وظیفه سنده ایفا ایدر . »

۲۴ مایس ۱۸۷۲ قانوننک اوچنجی ماده سی شورای دولت اعضالرینک مجلس ملی طرفدن انتخاب ایدلملری طرزینی تثبیت ایلر. بونک ایچوندرکه شورای دولت اعضاسندن برینک ایشدن آل چکدیر لمسی مبین قانوننک نشری مجلس ملی بی مسئله یه رأساً مداخله یه سوق ایدله جکی فقره نامنده قبول ایدلمشدر . حالبوکه ۲۵ شباط ۱۸۷۵ قانون اساسی سی

(§ ۴) شورای دولت اعضا لرینی تعیین حقہ حکومتہ بر اقلہ ۲۴ مایس ۱۸۷۲ قانونک اوجنچی مادہ سنی باشند باشه الفا ایتش اولیور. ۲۵ شباط ۱۸۷۵ قانون اساسی سنک ۲۴ مایس ۱۸۷۲ قانونک اوجنچی مادہ سی برینہ قائم اولان دردنجی مادہ سی رئیس جمهورہ شورای دولت اعضا لرینی بعض قیہ د و شرائط تختندہ مالکیز عزل حقہ بخش ایلور. بوضاحتدن دیسبیلنہر برحق اولان ایشدن آل جکدیرمک حقک آرتق موضوع بحث اولامیه حقہ استخراج ایدلشد. شورای دولت اعضا سندن بری یا عزل ایدیلہ بیلور و یا قاعده سوق اولنور. حقندہ اتخاذ ایدیلہ بیلہ جک یکانہ موقت تدبیر ۲ آغستوس ۱۸۷۹ قانونک § ۲۹ مندرج احوالده آیلغنک کسيلمہ سیدرکہ بونی بالآخرہ ایضاح ایدہ جکم. ۲۳ - شورای دولت اعضا لرینک آیلغی حال صلحدہ ۱۶ بیک فراتق ایدی بوکون کاغد بارہ ایله ۶ تشرین اول ۱۹۰۹ و ۳۰ نيسان ۱۹۲۱ قانونلری موجبجه ۲۹۰۰۰ فراتقدر. صاحده دائره رؤسالی ۱۸۰۰۰ فراتق الیورلردی رئیس ثانی ده ۲۵ بیک فراتق آلردی بوکون ۳۹۰۰۰ فراتق آلور. معاشات عدلیہ بودجه سنده شورای دولت فصلندہ در.

..

۲۴ - شورای دولت رئیس نانسی ایله دوائر رؤسائی انحق خدمات عادیه ده بولنان شورای دولت اعضا لرینی میانندن انتخاب اولنہ بیلورلر. رئیس جمهورک ده قره سیله انتخاب و تعیین ایدیلورلر. بو طرزده تعیین و انتخاب ایدیان رئیس ثانی ایله دوائر رؤسائی شورای دولت اعضا سنی اولمقدن فارغ اولمز لر بو تفسیر ۱۳ تموز ۱۸۷۹ قانونک برنجی و دردنجی مادہ لرینک منجندن استخراج ایدلمکده در. فی الحقیقه قانون شورای دولتی ۳۲ اعضادن ترکیب ایدر دوائر ده بش اعضا و بر رئیسدن تشکیل ایلر مالکیز محاکم دائرہ سنی القی اعضا ایله تشکیل ایدر. دائره عددی ایسه بشدر. هپسینی جمع ایدنجه رئیس ثانی ایله برلکده ۳۲ ایدر دیمک کہ دوائر رؤسائی ایله رئیس ثانی اعضا لر میاننده قالیورلر.

..

۲۵ - شورای دولت اعضا لرینی عدلیہ ناظرینی طرفندن مأذون اولمقدن غیوبت ایدہ منزل عدلیہ ناظرینی اعضا لرہ اذن و برمک ایچون رئیس ثانی ایله اعضا نک منسوب اولدیننی دائره

رئیسینک مطالعه سی آلمسی لازمدر معاون و ملازمه لر رئیس ثانی ، اونلرک منسوب اولدقلری
دائرة رئیسینک مطالعه سی آلمرق اذن ویرر (۲ اغستوس ۱۸۷۹ قانونی § ۲۷)

.*

۲۶ - بلاذل غیوبت ایدن ویا مدت مأذونیتی تجاوز ایتدیرمن هراعضا ، معاون
واویتورک آیلندن بلا مأذونیت غیوبت ایلدیکی مدته تقابل ایدن قسم قطع ایدیلیر .
مأذونیتسه ناموجودیت برآی تجاوز ایدرسه عدلیه ناظری رئیس جمهوری خبردار ایلر .
(۲ اغستوس ۱۷۸۹ قانونی § ۲۹)

.*

۲۷ - شورای دولت اعضاسنک وظیفه مودوعه سنه مباشرتی هیئتک هراعضای کی
مومی الیه تعیین ایدن ده قره نك هیئت عمومیه ده قرائتی و مراسمک ، جلسه نك ضبطه کچرلمسی
ایله واقع اولور . اعضاسنک منسوب اولدینی دائرة نك مساعیسنه اشتراك ایلسی دخی کندیسینی
او دایره نه نصب ایلان ، احواله کوره ، ده قره ویا آره نك اوقونمندن صوکر اوله بیلور .
یمین ایتک قالقه شدر .

.*

۲۸ - خدمات عادی ده بولان هراعضای مشترک وظائفی شورای دولته مطالعه بیان
ایتمک ، رأی ویرمک و حکومت طرفندن قومیسر تعیین ایدلکلی قوانین لایحه لرینی مجلس
مبعوثان حضورنده مدافعه ایتمکدر . بو وظائفدن برنجیسی قانونک هیچ بررنده یازلاما شدر ،
یا لکیز شورای دولتک علت وجودندن منبشدر . برده ناظرلرک ، خدمات فوق اعاده ده
بولان اعضاسنک ، معاونلرک مذاکره صلاحیتلرینی تحدید ایلان متونک ادله معکوسه سندن
استخراج ایدیله بیلور . صوک وظیفه لر ایسه ۲۴ مایس ۱۸۷۲ قانونک سکرتنجی ماده سی
مؤدا سندیدر . [۱]

.*

۲۹ - مجالس تشریعه حضورنده رقانون لایحه سی مدافعه ایلجه ک اولان شورای

[۱] ۲۴ مایس ۱۸۷۲ قانونی § ۸ فقره اخیره سی .
شورای دولت اعضاسنک حکومت طرفندن مجالس تشریعه حضورنده لاجل التدقیق شورایه
کوندرلمش لوایح قانونیه نك مدافعه سنه مأمور ایدیله بیلورلر .

دولت اعضای بویخصوص ایچون شخصاً بر ده قره ایله تعیین ایدلمیدر . ۲۴ مایس ۱۸۷۲
قانونک سکرنجی ماده سنک صوک فقره سی ۱۶ تموز ۱۸۷۵ تاریخلی تشکیلات اساسیه
قانونک آلتنجی ماده سه راستنا دکادر . مارالذکر آلتنجی ماده موجبجه معین بر قانون
لایحه سنک مذاکره سی ایچون بر قومیسر طرفندن آسیسته اولق (معاونت کورمک) ایسته یین
ناظر بو آرزوسه آنجق رئیس جمهورک بر ده قره سی ایله موفق اولور بو اعتبارله مجلس
مبعوتان حضورنده بر قانونی مدافعه ایدمک اولان اعضا ناظرک امریله بوی ایشی پایه مار .

۳۰- ۱۸۷۲ قانونک مارالذکر سکرنجی ماده سنک صوک فقره سی « شورای دولته
برای تدقیق کوندرلش اولان قانونلرک مجلس حضورنده مدافعه سنه حکومت طرفندن
مأمور ایدیلر . دیور . عجبا ایشو ماده ده مذکور « شورای دولته برای تدقیق
کوندرلش اولان « قیدی شورای دولت اعضا لریک مجلس حضورنده مدافعه سنه مأمور
ایدیلر بیلر جملری قانونلرک ماهیت و بوعلرینی تحدید و بنشاء علیه کیفیت توظیفلرینی اوکی
قانونلر می قصر و حصر ایلور ؟ بو سؤاله منق جواب ویرلمکده در . ماده ده کی قیده احترازی
دکدر تذکیردر . ۱۸۷۲ قانونی ساده جه شورای دولته تدقیق و مذاکره ایدلش قانونلرک
مجلس مبعوتان حضورنده مدافعه سی ایچون انتخاب ایدیلر جک قومیسر لرک شورای دولت
اعضا لرندن انتخاب ایدلشی اشارت ایلور .

۳۱ — خدمات عادی ده بولان شورای دولت اعضا لری کرک مذکور اولدق لری
دائر لده کرکه هیئت عمومی ده رایه اشتراک ایدر لر . فقط شوراسنه دقت ایتلی که شورای
دولت اعضا سنک یالکزمسوب اولدق لری دائره لده حق رأی لری واردر . منسوب اولدق لری
بر دائره ده محضاً اختصاص لری طولانی سیله بر مسئله یی تنویر ایچون برلونیورلر سه اودا ترده
وو مسئله ده رای ویرمزلر (بند ۱۰ « باقیکنز !) . یالکزم استشاری ماهیتده بیان
مطالعه ایلر لر . تنویر ایچون مذاکره سنده بولندق لری مسئله بالا آخره هیئت عمومی ده سوق
ایدیلر سه او مسئله حقنده هیئت عمومی ده رای ویرمک حق لریدر .